

上届修譜凡例

首卷前列

勅命重

皇恩也錄老序紀原修也立規訓示後人知法戒也編輯譜號珍言以備查考亦昭慎重也

一叙源流上則知其所由來下則知其所派衍也

一書各處始祖使後代知宗派之何屬發派之有自也

一述仕宦以隆國家名望以昭先代賢廉亦足砥礪士人也

一服制名分攸關不可不知茲照國朝所頒本宗九族及外戚服制圖考定例刊載俾族內共曉不致應服不服有關名分

一書圖形以昭遠久祠宇 祖宗香火之所在靈爽所式憑也墳墓備載地形山向契界碑銘懼久遠迷失亦防外人侵佔也

一書烝嘗祀田以明春秋掃掛祭祀有所資子孫不得擅自售難以忘祖也

一源流世系大書其名爲綱示尊也小書其事爲目示誌也祖名冠以公字配氏冠以妣字尊祖諱也前半做舊日蘇公體式次第詳陳不紊遵古昔成例也

一八十年代以後遵依歐體各立派行於正名之右書某字派以明本支也

一正名之左書字書號隆其名也書實行誌德也書功名誌貴也書壽考誌福也書生歿誌始終也書葬所使知祭掃也書婚配重匹偶也子女備書知有所出也

一傳贊行實不敢無實妄載若現在之人非年高德厚 奉命旌賞者不書以蓋棺方論定也

一葬址相連者兄弟書並葬夫婦書合葬卑者傍尊者之墳書附葬若在別鄉別縣者書某鄉某哪凡龍虎鳳形干禁不敢妄載旁加王字以別之

一配氏生則書配歿則書妣已訂未歸書聘各有分也復於本姓左書明某地某人之女不忘親誼也

一父在而母出者非有子不書書則去其生庚示廟絕不為親之義也

一生女止載閨名或英或秀已嫁書適某人未嫁書字某人示有所歸也

一子女有幼年早喪者六歲以上為殤以下為夭天殤備載庶使陰靈有所歸長子雖殤次子仍書次明有兄也

一遷徙各省及外郡居住者備書某人於某年遷居某處載其里居以備遺逸日後還鄉便知真偽也

一書繼嗣承祀大義出繼必於本生父母後註明第幾子過繼某人又於繼父後註明入繼某人幾子庶宗派詳明至若撫異姓及隨母而來者俱不收入正譜僅於受撫名下分書撫子腹子嚴亂宗也一譜內名號有犯

庙讳

御諱

聖諱以及 祖諱概行改易或以別字易之或以同音字易之尊者仍之卑者易之歿者仍之生者易之有爵者仍之無爵者易之仍書原名以備查考一譜內字畫悉遵功令敬避

聖祖仁皇帝廟諱上一字書 ◎德升聞用元字恭代下一字諱愈女其膏沃者其光 ◎用煜字恭代凡炫炫等字缺末點

眩等字缺末點

世宗憲皇帝廟諱上一字詩永錫祚 ◎用允字恭代字 缺し旁下六字左從示右從貞用貞字恭代

高宗純皇帝廟諱上一字論語人能 ◎道用宏字恭代下二字書天 ◎數在爾躬用厯字恭代

仁宗睿皇帝廟諱上一字詩 ◎印印缺頁旁末一撇一

高宗點下一字書宏璧 碗 ◎奉

諭旨改右下火字作又

宣宗成皇帝廟諱上一字爾雅秋爲 ◎天奉

諭旨用明字恭代下一字易萬國咸 ◎改作甯

文宗顯皇帝廟諱上一字弈從大奉

諭旨不必避下一字左從言右從改作

端慧太子諱上一字永不諱下一字左玉右連避書

作 连

穆宗毅皇帝廟諱上一字尚書熙帝之○奉

諭旨不必避下一字左從シ右從享改作淳凡享字改作亯如敦孰郭等字不必改作亯

當 今

皇帝御名左從右從恬書作湣至聖先師諱加旁作邱

孟子諱一體敬避且鄉試條例以上雖有恭代字樣然考試臨文總宜敬避雖值成語亦不當用按此則人名字號更當敬避明矣

璜璉璋城琪琬璇璣璫璿琮璟十三字譜內敬避

一生歿葬向本當備載亦有未載者因房譜既無紀錄現在又乏明徵實無查考故註失考字以別之一屆續修前則均照老譜謄錄後則概依各房草稿刊定皆經親面對讀諒無大訛倘查出錯謬俟祭期會譜公以圖章更正不得私自點竄以予輩坐井之見纂修其間恐多疎忽惟冀賢達嗣興匡正其失不

勝引領之至

一族長房長為一族之望卽一之儀型務必擇才學兼優素行公正者方能整飭倫常表率族眾凡族內有越理犯分者小則聽房長勸釋大則由族長處斷若抗違不遵輕則在祠責罰重則稟官究治

一隆重士子獎賞斯文原爲作育人材凡我族內聰明特異之士有志上進者應加賞賜以蔚起文人嗣後有應縣試者給盤費錢五伯應府試者給錢一十應院試者給錢二千應鄉試者給錢二千赴會試者給錢二十四千凡文武均屬一體給發若遊泮者賞花紅錢二十四千補廩者賞錢八壬拔貢者賞錢十六千中試登科者賞錢四十串進士及第者賞錢八十串殿試及第者賞錢壹百串如此則不敏者益加奮迅賢哲者愈自精勤庶有以勵後人而光先德